

2803

2518

J.U. ZAVOD ZA JAVNO
ZDRAVSTVO KANTONA

SARAJEVO




P.I. INSTITUTE FOR PUBLIC
HEALTH OF CANTON

SARAJEVO

Broj: 05.3.34-6083-1/19
Sarajevo, 16.10.2019.

SKUPŠTINA KANTONA SARAJEVO
N/R PREDSEDavajući
Elmedin Konaković



129

Predmet: Odgovor na zastupničko pitanje Zastupnika SBBiH Zvonko Marića

Veza Vaš akt: 01-05-33063-135/19 od 01.10.2019.godine

Poštovani,

Zastupnik Zvonko Marić je na 13. Radnoj sjednici Skupštine Kantona Sarajevo, održanoj 25.09.2019.godine u okviru tačke Dnevnog reda „Poslanička/ zastupnička pitanja, inicijative i odgovori“, postavio sljedeće zastupničko pitanje:

- Molim Vladu Kantona Sarajevo, Ministarstvo zdravstva, Zavod za javno zdravstvo, Televizija Sarajevo, Ministarstvo pravde i uprave da svako na odgovarajući način pokrene mini informativnu kampanju na TV, web stranicama, profilima društvenih mreža i slično po pitanju odlaganja lijekova sa isteklim rokom trajanja.
- Zavod za javno zdravstvo je već imao intervju sa jednom od novinskih agencija, ali smatram da je potrebno više učiniti na širenju informacija u vezi ovog problema.

Zavod za javno zdravstvo Kantona Sarajevo na postavljeno zastupničko pitanje daje

ODGOVOR

kako slijedi:

Odlaganje lijekova sa isteklim rokom trajanja, pripada kategoriji zbrinjavanja **farmaceutskog otpada**. Uništavanje i zbrinjavanje farmaceutskog otpada regulisano je Pravilnikom o zbrinjavanju farmaceutskog otpada („Službeni glasnik BiH“, broj: 23/11) koji je izdala Agencije za lijekove i medicinska sredstva Bosne i Hercegovine. Proizvođači farmaceutskog otpada prilikom prikupljanja, postupanja sa otpadom i zbrinjavanja otpada obavezni su da postupaju na način na koji neće ugrožavati živote, zdravlje ljudi i životno okruženje. Sa farmaceutskim otpadom postupa se na sljedeći način:

- Otpad se ne smije ispuštati u odvođe, vodene tokove ili okolno zemljište;
- Otpad mora biti fizički osiguran;
- Otpad ne smije ostavljati negativne posljedice po okoliš;
- Otpadni materijal mora biti sigurno i bezbjedno pohranjen u odgovarajuće kontejnere.



Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: gzavod@bih.net.ba



Lijekovi sa proteklom rokom trajanja moraju biti izdvojeni u primarnom pakovnom materijalu i razvrstani u sljedeće kategorije: citostatici, antibiotici, narkotici, infuzione i injekcione otopine i ostale lijekove prema navedenim kategorijama pakirani u kartonsku ili PVC ambalažu(citostatici obavezno u PVC ambalažu) propisno označenu. Pravilnikom je predviđeno da proizvođači farmaceutskog otpada posjeduju ugovore sa ugovorenim operaterima(pravnim i fizičkim licima) ovlaštenim da rukuju, odlože i unište farmaceutski otpad.

Proizvođači otpada i ugovoreni operater za upravljanje otpadom dužni su provoditi program nadzora i monitoringa, te voditi zabilješke. Operater je dužan proizvođaču otpada najmanje jednom godišnje dostaviti potvrdu o konačnom zbrinjavanju otpada. Proizvođač otpada je obavezan, u slučaju utvrđivanja odstupanja operatera od ugovorom definiranog načina upravljanja otpadom, odmah obavjestiti nadležne organe.

Kada su u pitanju lijekovi iz domaćinstva Apoteke Sarajevo, su dugi niz godina od građana prihvatili lijekove sa proteklom rokom trajanja, koji su dalje zajedno sa ostalim farmaceutskim otpadom uništavani na tačno propisan zakonski način.

JU Zavod za javno zdravstvo konstantno radi na edukaciji I zdravstvenom prosvjećivanju. Na Web stranici Zavoda za javno zdravstvo Kantona Sarajevo nalaze se najčešća pitanja I odgovori na pitanja sa preporukama. Pitanje sa odgovorom I preporukama o odlaganju lijekova sa isteklim rokom trajanja svakako ćemo uvrstiti na službenu stranicu Zavoda [https:// www.zzjzks.ba](https://www.zzjzks.ba) . Na svaki zahtjev novinara po pitanju javnog zdravlja stručne službe Zavoda su na dispoziciji.

Dokument izradila:

Dr. Emina Kurtagić-Pepić
Specijalista epidemiolog

Dr. Zlatan Hamza
Specijalista zdravstvene ekologije i higijene

S poštovanjem,



Dostaviti:

- Naslovu,
- Arhiva RJ01